

Sils fastitgs da Schareida



Cuminonza Vrin

Cuntegn

Preambel	2
Schareida.....	4
Il num	6
La famiglia Carell	6
Vrin entuorn il 1800	9
Il s jasters	11
La situaziun politica.....	12
Supposiziuns, detgas e raquents.....	14
Ulteriuras detgas.....	15
Il temps dil striegn.....	17
Quei e tschei	20
Disgrazias	20
Entgins vegnentsuenter	21
La tegia da Schareida	22
Las plattas da Schareida.....	23
Aua da concessiun.....	23
Conclusiun.....	25
Genealogia	27



Preambel

Las restonzas dils suloms a Schareida dattan perdetga d'ina avdonza da nos antenats entuorn la fin dil 18avel tschentaner. Parts dils mirs dil habitadi d'avon biebeen 200 onns ein da cattar suenter il spartaviats encunter Pardatsch, ca. 50 m sur la via viers Vanescha. Ils fastitgs svaneschan tec a tec e perquei l'idea d'empruar da salvar las restonzas realas, seigi quei sin pupi ni en natura. Quei che fascinescha ein buca exnum ils suloms, mobein la historia che stat davostier. Ei fa impressiun da reflectar la dira sort da quels che han fatg antruras in liung viadi per vegnir en paupradad en ina tiara jastra, setschentar leu en in liug solitari cun affons pigns e procurar per il paun da mintga gi.

Sin incarica dalla Cuminonza Vrin ha igl autur, Silvio Caviezel, intervegniu tier quels che seregordan da raquents, ha rimnau material e retschercau ils fatgs aschilunsch che quei ei stau pusseivel. Dasperas ha el descret las circumstanzas entuorn quei temps. Documentaziuns attestadas sur dils avdents da Schareida ein d'anflar sulettamein els registers ufficials.

Cul manuscret vegn la historia salvada. Schebein ins vul era mantener las restonzas ni schizun perscrutar il sulom existent ed eventualmein scuvierer ulteriurs, duein quels da Vrin decider.

Martina Caviezel-Caminada (in tec da Schareida sco biars auters da Vrin)

